



SURAT EDARAN PENTADBIRAN

BILANGAN 1 TAHUN 2022

**PEMBERIAN BANTUAN KHAS KEWANGAN
TAHUN 2022
DI UNIVERSITI TEKNIKAL MALAYSIA MELAKA**

Pejabat Pendaftar

17 Januari 2022 | 14 Jamadilakhir 1443H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/3 (11)

17 JANUARI 2022
14 JAMADILAKHIR 1443H

SURAT EDARAN PENTADBIRAN BIL. 1/2022 **PEMBERIAN BANTUAN KHAS KEWANGAN TAHUN 2022** **DI UNIVERSITI TEKNIKAL MALAYSIA MELAKA**

1.0 TUJUAN

- 1.1 Surat Edaran Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pemakaian dengan pindaan Surat Edaran Jabatan Perkhidmatan Awam No. Rujukan JPA.800-3/2/1 (32) bertarikh 20 Disember 2021 (Bantuan Khas Kewangan Tahun 2022) di Universiti Teknikal Malaysia Melaka.

2.0 LATAR BELAKANG

- 2.1 Melalui Surat Edaran Jabatan Perkhidmatan Awam No. Rujukan JPA.800-3/2/1 (32) bertarikh 20 Disember 2021, Kerajaan telah membuat keputusan Bantuan Khas Kewangan Tahun 2022 (BKKT 2022) dibayar kepada pegawai Perkhidmatan Awam Persekutuan dalam Kumpulan Pengurusan dan Profesional serta Kumpulan Pelaksana Gred 56 dan ke bawah. Bayaran ini juga turut dipanjangkan kepada pesara Kerajaan yang menerima pencen dan veteran tidak berpencen.
- 2.2 Mesyuarat Lembaga Pengarah Universiti Bilangan 6 Tahun 2021 yang bersidang pada 22 Disember 2021 telah bersetuju untuk menerima pakai Surat Edaran Jabatan Perkhidmatan Awam No. Rujukan JPA.800-3/2/1 (32) bertarikh 20 Disember 2021 (Bantuan Khas Kewangan Tahun 2022) dengan pindaan untuk dilaksanakan di UTeM.

3.0 PELAKSANAAN

Selaras dengan keputusan tersebut, kaedah pelaksanaan pembayaran Bantuan Khas Kewangan Tahun 2022 di UTeM adalah seperti berikut:-

3.1 Bayaran layak diberikan kepada:-

- (i) staf Kumpulan Pengurusan dan Profesional serta Kumpulan Pelaksana Gred 56¹ dan ke bawah yang masih berkhidmat pada 25 Januari 2022 sebanyak RM700.00;
- (ii) staf Kumpulan Pengurusan dan Profesional serta Kumpulan Pelaksana yang layak tersebut merupakan:
 - a. staf lantikan tetap, sementara dan Contract of Service(COS) ²;
 - b. staf yang bercuti bergaji penuh;
 - c. staf yang bercuti separuh gaji;
 - d. staf yang bercuti tanpa gaji; dan
 - e. staf yang dipinjamkan termasuk ke agensi yang diasingkan pengurusan saraannya. Bantuan Khas Kewangan ini akan dibayar oleh agensi yang menerima peminjaman staf.

3.2 Pembayaran ini turut dipanjangkan kepada Pekerja Sambilan Harian (PSH) yang masih berkhidmat pada 25 Januari 2022 dengan syarat tempoh kontraknya telah berkuat kuasa sekurang-kurangnya 30 hari berturut-turut;

3.3 Pesara Kerajaan yang menerima pencen dan termasuk penerima pencen terbitan di bawah undang-undang pencen serta pesara Skim Kumpulam Wang Simpanan Pekerja (KWSP) yang bersara daripada perkhidmatan awam apabila opsyen umur persaraan pada atau sebelum 25 Januari 2022 akan dibayar RM350.00 oleh Jabatan Perkhidmatan Awam manakala bagi veteran berpencen dan tidak berpencen oleh Jabatan Hal Ehwal Veteran;

3.4 Pesara dan veteran seperti di para 3.3 yang dilantik semula secara COS dan masih berkhidmat pada 25 Januari 2022 layak dibayar sebanyak RM700.00. Pembayaran sebanyak RM350.00 akan dibuat oleh Jabatan Perkhidmatan Awam/Jabatan Hal Ehwal Veteran dan bakinya sebanyak RM350.00 akan dibayar oleh jabatan di mana staf sedang berkhidmat (UTeM);

¹ Staf di Gred 56 atau setara. Tidak termasuk pegawai yang sedang memegang di Gred Utama/Khas.

² Bagi staf di bawah Contract for Service, surat edaran berasingan akan dikeluarkan oleh Kementerian Kewangan.

3.5 Pembayaran ini tidak layak diberikan kepada:-

- (i) staf dalam Kumpulan Pengurusan Tertinggi dan setaraf termasuk pegawai yang memangku, dipinjam/tukar sementara dan penempatan khas ke Gred Jawatan Utama/Gred Khas;
- (ii) staf yang dikenakan hukuman tatatertib dalam tempoh 01 Januari 2021 hingga 25 Januari 2022;
- (iii) staf yang ditamatkan perkhidmatan demi kepentingan awam dalam tempoh 01 Januari 2022 hingga 25 Januari 2022;
- (iv) staf yang meletak jawatan dalam tempoh 01 Januari 2022 hingga 25 Januari 2022; dan
- (v) staf berpencen yang melepaskan hak pencen kerana menyertai Badan Berkanun Yang Diasingkan Saraan;

3.6 Staf yang tidak mendapatkan dos imunisasi COVID-19 yang lengkap selain atas sebab kesihatan dan mendapat pengesahan daripada pengamal perubatan berdaftar akan ditangguhkan pemberian Bantuan Khas Kewangan Tahun 2022 ini. Staf hanya layak dibayar sekiranya telah melengkapkan dos imunisasi COVID-19 selewat-lewatnya pada 31 Mac 2022.

3.7 Staf yang ditahan kerja, digantung kerja atau surat pertuduhan telah dikeluarkan oleh Jawatankuasa Tatatertib UTeM ditangguhkan pemberian Bantuan Khas Kewangan Tahun 2022 ini. Staf hanya layak diberi Bantuan Khas Kewangan Tahun 2022 sekiranya Jawatankuasa Tatatertib UTeM mendapati staf tersebut tidak bersalah;

3.8 Staf yang meninggal dunia pada 25 Januari 2022 layak diberi Bantuan Khas Kewangan Tahun 2022 sebanyak RM700.00; dan

3.9 Bantuan Khas Kewangan Tahun 2022 ini akan dibayar pada 25 Januari 2022 dan menjadi tanggungan jabatan di mana staf berkhidmat pada tarikh pembayaran.

4.0 TARIKH PEMBAYARAN

4.1 Bantuan Khas Kewangan Tahun 2022 ini akan dibayar pada 25 Januari 2022.

5.0 TARIKH KUAT KUASA

5.1 Surat Edaran Pentadbiran ini berkuat kuasa mulai tarikh ia dikeluarkan.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia
Melaka